



Sumáriu Kazu
Tribunál Judisiál Primeira Instánsia Baukau
Novembru 2024

Afirmasaun: Sumáriu Kazu tuir mai ne'e deskreve faktu sira no prosesu iha Tribunál tuir JSMP nia monitorizasaun independente, no deklarasaun ne'ebé parte sira fó iha Tribunál nia laran. Informasaun ne'e la representa JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru feto no ema vulneravel. JSMP afirma la iha justifikasaun ba kualkér violénsia hasoru feto.

A. Sumáriu prosesu julgamentu kazu iha Tribunál Judisiál Primeira Instánsia Baukau

1. Totál kazu ne'ebé JSMP monitoriza: 20

Artigu	Tipu Kazu	Númeru
Artigu 145 Kódigu Penál (KP) & artigu 2, 3, no 35 letra (b), 36 Lei Kontra Violénsia Doméstika (LKVD)	Ofensa ba integridade fízika simples ho natureza violénsia doméstika no tipu ilísitu sira kona-ba violénsia doméstika	10
artigu 2(nú.1(b), nú. 2(f)) no artigu 20(nú.1) hosi Lei Nú. 5/2017	Arma brankas	1
Artigu 154 KP no artigu 2, 3, 35 no 36 (LKVD)	Maus-tratus ba kónjuje	4
Totál		15

2. Totál desizaun ne'ebé JSMP monitoriza: 15

Tipu desizaun	Artigu	Númeru
Pena prizaun	Artigu 66	1
Suspensaun ba prizaun nia ezekusaun	Artigu 68 KP	5
Pena multa	Artigu 67 KP	9
Totál		15

3. Totál kazu ne'ebé sei kontinua prosesu tuir JSMP nia monitorizasaun hamutuk : 5

A. Deskrisaun sumáriu julgamentu ba desizaun kazu sira

1. **Krime ofensa ba integridade fízika simples ho natureza violéncia doméstika**

Nú. Prosesu : 0010/23.MNMNT
Kompozisaun Tribunal : Singulár
Juisa : Dra. Maria Solana da C. Fernandes
Prokurador : Dr. Bartolomeu de Araújo
Defeza : Dr. Germano Guterres Ramos
Desizaun : Pena multa US\$45.00

Iha 05 Novembru 2024, Tribunál Judisiál Primeira Instáncia Baukau prezide julgamentu leitura sentensa ba krime ofensa ba integridade fízika simples ho natureza VD ne'ebe envolve arguidu CdCG hasoru nia feen, iha Munisípiu Manatuto.

Akuzasaun Prokuradór

Prokuradór akuza katak iha 06 Feveireiru 2023, iha oras tuku 20:00 kalan, arguidu uza martelu hodi baku ofendida nia ulun, baku iha kanotak rezulta kanek, raan no moras. Antes ne'e, arguidu ho lezada diskute malu kona-ba labarik sira.

Prokuradór akuza arguidu kontra artigu 145 KP kona-ba ofensa ba integridade ba fízika simples ho nia moldura penál to'o tinan 3 ka multa konjuga ho artigu 2,3, 35(b) no 36 LKVD.

Produsaun ba prova sira

Iha prosesu julgamentu, arguidu deklara katak faktu ho motivaun iha akuzasaun ne'e loos hotu, di'ak malu ona, arrepende ninia hahalok, foin primeiravés mai hatan iha tribunál no iha futuru sei la komete tan krime hasoru ofendida.

Alende ne'e, ofendida mós konfirma akuzasaun no deklara katak di'ak malu ona ho arguidu no arguidu foin primeiravés halo agresaun hasoru ofendida.

Alegasaun finál

Prokurador haktuir katak akuzasaun prokuradór nian prosedente provadu bezeia ba arguidu ho ofendida nia deklarasaun ne'ebé konfirma totál ba akuzasaun. Tanba ne'e husu ba tribunál atu kondena arguidu ho pena prizaun fulan rua suspende ba tinan ida.

Entretantu, defeza haktuir katak arguidu konfesa faktu hotu iha akuzasaun, arrepende ninia hahalok, la iha antesidente kriminál, tanba ne'e husu ba tribuna atu kondena arguidu ho pena ne'ebé adekuadu.

Desizaun

Depoide avalia faktu hotu, tribunál prova katak faktu iha akuzasaun ne'e provadu hotu, bazeia ba konfisaun arguidu nian no konfirma mós hosi ofendida.

Bazeia ba faktu provadu sira ne'e no tetu mós ho sirkunstáncia atenuante sira hanesan arguidu konfesa faktu sira, arrepende ninia hahalok no foin

primeiravés mai hatan iha tribunál, nune'e tribunál konklui prosesu ne'e no kondena arguidu ho pena multa US\$45.00 ne'ebé arguidu sei selu US\$1.00 kada loron durante loron 45. Tribunál mós fiksa pena alternativa durante loron 30 prizaun, bainhira arguidu la kumpri pena multa refere.

2. Krime ofensa ba integridade física simples ho natureza violéncia doméstika

Nú.Prosesu : 0020/23. VQSIC
Kompozisaun Tribunál : Singulár
Juisa : Dra. Sribuana da Costa
Prokuradór : Dr. Julio da Silva Correia
Defeza : Dr. Sidónio Maria Sarmiento
Desizaun : Pena multa US\$30.00

Iha 06 Novembru 2024, Tribunál Judisiál Primeira Instánsia Baukau prezide julgamentu leitura sentensa ba krime ofensa ba integridade física simples ho VD ne'ebé envolve arguidu DdSO hasoru nia feen, iha Munisípiu Vikeke.

Akuzasaun Prokuradór

Prokuradór akuza katak iha 26 Novembru 2023, iha oras tuku 09:00 kalan, arguidu tuku dala ida iha lezada nia kanuruk, hafoin foti fatuk atu tuda ofendida mak ofendida halai tiha ba estrada. Antes ne'e, arguidu ho ofendida diskute malu kona-ba lezada hadau arguidu nia telemovel.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3(a) no 35(b) LKVD.

Produsaun ba prova sira

Iha prosesu julgamentu, arguidu deklara katak faktu iha akuzasaun ne'e loos hotu, depoisde akontese sira di'ak malu ona tanba forma família dezde tinan 2016, iha ona oan na'in rua foin primeiravés halo agresaun hasoru ofendida, arrepende ninia hahalok no arguidu nu'udar motorista ho vensimentu kada fulan US\$300.00 hodi sustenta de'it ba família.

Alende ne'e, ofendida kontinua konfirma faktu hotu iha akuzasaun no reforsa arguidu nia deklarasaun katak arguidu foin primeiravés halo agresaun hasoru ofendida no depoisde akontesimentu to'o agora arguidu la baku ona ofendida.

Alegasaun finál

Prokuradór haktuir katak iha julgamento ne'e arguidu konfesa total ba faktu sira no konfirma mós hosi ofendida, tuir loloos arguidu bele ko'alia de'it la'os halo fali agresaun hasoru ofendida, tanba ne'e husu ba tribunál atu kondena arguidu ba pena multa US\$30.00

Entretantu, defeza haktuir katak arguidu konfesa faktu sira hotu iha akuzasaun, arrepende ninia hahalok, di'ak malu ona ho ofendida no foin primeiravés halo agresaun hasoru ofendida. Tanba ne'e husu ba tribunál atu kondena arguidu ho pena ne'ebé kmaan.

Desizaun

Depoisde avalia faktu sira hotu, tribunál prova katak faktu sira iha akuzasaun prokuradór nian provadu hotu,

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok no foin primeiravés halo agresaun hasoru ofendida, nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu 0.50 sentavus kada loron durante loron 60. Tribunál mós fiksa pena alternativa durante loron 40 prizaun, bainhira arguidu la kumpri pena multa refere.

3. Krime ofensa ba integridade fízika simples ho natureza violénsia doméstika

Nú.Prosesu	: 0013/23. VQSIC
Kompozisaun tribunál	: Singulár
Juisa	: Dra. Sribuana da Costa
Prokuradór	: Dr. Julio da Silva Correia
Defeza	: Dr. Germano Guterres Ramos
Desizaun	: Pena multa US\$30.00

Iha 06 Novembru 2024, Tribunál Judisiál Primeira Instánsia Baukau prezide julgamentu leitura sentensa ba krime ofensa ba integridade fízika simples ho natureza VD ne'ebé envolve arguidu PbdSO hasoru nia feen, iha Munisípiu Vikeke.

Akuzaun Prokuradór

Prokuradór akuza katak iha 09 Agostu 2023, iha oras tuku 07:00 dadeer, arguidu tuku dala ida iha ofendida nia ulun, arguidu foti ai atu baku tan ofendida maibé ofendida halai tiha. Antes ne'e, arguidu ho ofendida diskute malu kona-ba arguidu haruka ofendida atu halo supermie maibé ofendida rezeita.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3(a) no 35 (b) LKVD.

Produsaun ba prova sira

Iha prosesu julgamentu, arguidu deklara katak faktu sira akuzasaun ne'e loos hotu, foin primeiravés mai hatan iha tribunál, di'ak malu ona ho ofendida no promete sei la komete tan krime hanesan hasoru ofendida iha futuru. Arguidu deklara mós katak nu'udar badaen ho rendimento kada fulan US\$100.00.

Depoisde rona deklarasaun hosi arguidu, prokuradór husu ba tribunál atu presinde tiha ofendida nia deklarasaun tanba arguidu konfesa faktu hotu iha akuzasaun, nune'e prova ne'ebé presiza suficiente ona. Relasiona ho pedidu ne'e, defeza konkorda ho prokuradór nia pedidu. Tribunál bazeia ba pedidu ne'e konklui hodi presinde ofendida nia deklarasaun.

Alegasaun finál

Prokuradór haktuir katak arguidu konfesa ba faktu hotu iha akuzasaun sein rezerva, depoisde akontese sira di'ak malu ona no promete sei la baku ona ofendidada iha futuru. Tanba ne'e husu ba tribunál atu kondena arguidu ho pena multa US\$30.00.

Entretantu, parte defeza konkorda prokuradór nia pedidu kona-ba pena multa maibé husu ba tribunál atu fó menus hosi prokuradór nia pedidu, tanba arguidu konfesa integralmente ba faktu sein rezerva, arrepende ninia hahalok, promete iha futuru sei la baku tan ofendida.

Desizaun

Depoisde avalia faktu hotu, tribunál prova katak faktu iha akuzasaun ne'e provadu hotu bazeia ba arguidu nia deklarasaun ne'ebé konfirma akuzasaun.

Bazeia ba faktu provadu sira ne'e hotu no tetu mós ho sirkunstánsia atenuante sira hanesan arguidu konfesa, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu 0.50 sentavus kada loron durante loron 60. Tribunál mós fiksa pena alternativa durante loron 40 prizaun, bainhira arguidu la kumpri pena multa refere.

4. Krime ofensa ba integridade fízika simples ho natureza violénsia doméstika

Nú. Prosesu	: 0087/23. VQVQQ
Kompozisaun Tribunál	: Singulár
Juisa	: Dra. Sribuana da Costa
Prokuradór	: Dr. Julio da Silva Correia
Defeza	: Dr. Germano Guterres Ramos
Desizaun	: Pena multa US\$30.00

Iha 06 Novembru 2024, Tribunál Judisiál Primeira Instánsia Baukau prejide leitura sentensa ba krime ofensa ba integridade fízika simples ho natureza VD ne'ebé envolve arguida SdSX (feto foun) no arguidu DM (oan mane) hasoru nia nia banin feto no inan, iha Munisípiu Vikeke.

Akuzasaun Prokuradór

Prokuradór akuza katak iha 01 Janeiro 2023, iha oras tuku 18:00 lokraik, arguida SdSX tuku dala rua iha ofendida nia hasan parte karuk no basa dala rua ihaibun. Antes ne'e, arguidu ho ofendida diskute malu kona-ba ofendida lanu tolok fali arguida.

Antes ne'e iha loron no fulan ne'ebé la apura maibé iha tinan 2021, arguidu DM basa dala ida iha ofendida nia hasan tanba ofendida lanu hotar fali arguidu.

Prokuradór akuza arguida no arguida kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa, konjuga ho artigu 2, 3 35(b) no 36 LKVD.

Produsaun ba prova sira

Iha prosesu julgamentu, arguida SdSX konfesa katak faktu iha akuzasaun ne'e loos hotu, arguida halo agresaun ne'e tanba ofendida hemu lanu tiha mak tolok ofendida tuituir dalan. Mezmu nune'e depoisde akontesimentu ne'e arguida husu ona deskulpa ba ofendida, di'ak malu ona to'o agora la baku ona ofendida, arrepende ninia hahalok.

Arguidu DM deklarata katak faktu iha akuzasaun ne'e loos hotu, arguidu nu'udar oan mane rekoñese sala ona no husu ona deskulpa ba ofendida, arrepende ninia hahalok no promete iha futuru sei la baku tan ofendida no serbisu nu'udar agrikultór rezultadu sustenta de'it ba família.

Depoisde rona deklarasaun hosi arguida no arguidu, prokuradór husu ba tribunál atu presinde tiha ofendida nia deklarasaun tanba arguida no arguidu konfesa faktu hotu iha akuzasaun, nune'e prova ne'ebé presiza suficiente ona. Relasiona ho pedidu ne'e, defeza konkorda ho prokuradór nia pedidu. Tribunál bazeia ba pedidu ne'e konklui hodi presinde ofendida nia deklarasaun.

Alegasaun finál

Prokuradór haktuir katak faktu iha akuzasaun prokuradór prosedente provadu bazei aba deklarasaun arguida no arguidu nian, nune'e atu prevene krime hanesan akontese tan iha futuru. Husu ba tribunál atu kondena arguida no arguidu ho pena prizaun fulan rua suspende ba tinan ida.

Entretantu, defeza haktuir katak iha produsaun ba prova arguida no arguidu konfesa faktu sira sein rezerva, arrepende sira nia hahalok no foin primeiravés mai hatan iha tribunál. Tanba ne'e husu ba tribunál atu fó pena admoestasaun ba arguidu.

Desizaun

Depoisde avalia faktu hotu, tribunál konsidera faktu hotu hosi akuzasaun procurador nian provadu, bazeia ba konfisaun arguida no arguidu nian.

Bazeia ba faktu provadu sira ne'e no tetu mós ho sirkunstánsia atenuante sira hanesan arguida no arguidu konfesa, arrepende sira ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu no arguida ho pena multa US\$30.00 ne'ebé arguida no arguidu sei selu 0.50 sentavus kada loron durante loron 60. Tribunál mós fiksa pena alternativa durante loron 40 prizaun, bainhira arguida no arguidu la kumpri pena multa refere.

5. Krime ofensa ba integridade fízika simples ho natureza violénsia doméstika

Nú. Prosesu	: 0062/23.VQVQQ
Kompozisaun Tribunál	: Singulár
Juisa	: Dra. Sribuana da Costa
Prokuradór	: Dr. Julio da Silva Correia
Defeza	: Dr. Sidónio Maria Sarmiento

Desizaun : Pena multa US\$30.00

Iha 06 Novembru 2024, Tribunál Judisiál Primeira Instánsia Baukau prezide leitura sentensa ba krime ofensa ba integridade física simples ho natureza VD ne'ebé envolve arguidu MS hasoru nia feen, iha Munisípiu Vikeke.

Akuzasaun Prokuradór

Prokuradór akuza katak iha 21 Outubru 2023, iha oras tuku 15:00 lokraik, arguidu tuku dala ida iha ofendida nia matan parte loos. Ante ne'e, arguidu ho ofendida diskute malu kona-ba arguidu deskonfia ofendida ba iha relasaun ho ofendida ninia primu.

Prokuradór akuza arguidu kontra artigu 145 KP kona-ba ofensa ba integridade física simples ho nia moldura penál to'o tinan 3 ka multa no konjuga ho artigu 2, 3, 35(b) no 36 LKVD.

Produsaun ba prova sira

Iha prosesu julgamentu, arguidu deklara katak faktu iha akuzasaun ne'e loos hotu, depoisde akontese, sira di'ak malu kedas arrepende ninia hahalok, foin primeiravés mai hatan iha tribunál no arguidu nu'udar agrikultór rezultadu hodi sustenta de'it ba família.

Depoisde rona deklarasaun hosi arguida no arguidu, prokuradór husu ba tribunál atu presinde tiha ofendida nia deklarasaun tanba arguida no arguidu konfesa faktu hotu iha akuzasaun, nune'e prova ne'ebé presiza suficiente ona. Relasiona ho pedidu ne'e, defeza konkorda ho prokuradór nia pedidu. Tribunál bazeia ba pedidu ne'e konklui hodi presinde ofendida nia deklarasaun.

Alegasaun finál

Prokuradór haktuir katak faktu iha akuzasaun prokuradór nian prosedente provadu haree ba arguidu nia konfiksaun konfirama sein rezerva akuzasaun, mezmu sira diak malu maibe nafatin husu ba tribunal fo kondensasaun ba arguidu mak fo pena prizaun fulan rua suspende ba tinan rua.

Entretantu, defeza haktuir katak haree ba produsaun prova parte defeza husu ba tribunál fó pena kmaan ba argiudu.

Desizaun

Depoisde avalia faktu hotu, tribunál prova katak faktu iha akuzasaun ne'e provadu hotu bazeia ba arguidu nia konfirmasaun akuzasaun iha adensia julgamentu. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa faktu sira, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu US\$0.50 centavus kada lora durante lora 60. Tribunál mós fiksa pena alternativa durante lora 40 prizaun, bainhira arguidu la kumpri pena multa refere.

6. Krime maus-tratus ba kónjuje

Nú. Prosesu : 0012/21.BCBCV
Kompozisaun tribunál : Koletivu
Juísa : Dra.Sribuana da Costa no Dra. Maria Modesta d.
A. Viera, Dra. Albertina da C. das Neves
Prokuradór : Dr. Bartolomeu de Araújo
Defeza : Dr. Sidónio Maria Sarmiento
Dezisaun : Pena efetiva tinan 2

Iha 07 Novembru 2024 Tribunál Judisial Primeira Instansia Baukau Prejide julgamentu leitura akordaun ba kazu maus-tratus ba kónjuje ne'ebé envolve arguidu AdSF hasoru nia feen, Munisípiu Baukau.

Akuzasaun Prokuradór

Prokuradór akuza katak iha 09 Janeiru 2021, iha oras tuku 12:00 miudia arguidu tuku dala tolu iha ofendidu nia kotuk laran no tuku tan dala rua kona iha hirus matan. Antes mosu diskusaun kona-ba ofendida haruka arguidu ba hamos sira nia toos maibé arguidu hatan moras, derepente arguidu ba hamos fali feen primeiru nia toos.

Iha 13 Janeiru 2021 iha oras tuku 03:00 madrugada ofendida toba hela derepente arguidu sidi kona ofendida nia ain, ofendida hadeer haree arguidu kaer besi kanu ida hamirik iha ofendida nia oin nune'e ofendida tenta hadau tiha besik kanu refere, ofendida tenta atu halai maibé arguidu kaer tiha ofendida nia kalsa no ofendida consege halai sai tiha ba liur.

Prokuradór akuza arguidu kontra artigu 154 KP kona-ba maus-tratus ba konjuje ho moldura penál tinan 2 to'o tinan 6 konjuga ho artigu 2, 3(b), 35(a) no 36 LKVD.

Produsaun ba prova sira

Iha julgamentu arguidu konfesa parsial katak faktu akontese iha 09 Janeiru 2021 ne'e loos hotu. Maibe faktu ida akontese iha 13 Janeiru 2021 ne'e arguidu nega katak nia la iha kuinesementu no la halo problema ruma hasoru ofendida.

Entertantu ofendida iha nia dek lasraun konfirma hotu faktu sira iha akuzasaun, ofendida deklarata tan katak kazu ne'ebe arguidu halo hasoru ba ofendida ne'e, dala tolu ka hat ona no ofendida aprezen hotu ba prokuradór maibé ofendida haluha ona balu. Ho akontesmentu sira ne'e, iha tinan 2022 ofendida diside moris separa ona ho arguidu to'o agora.

Alegasaun finál

Prokuradór haktuir katak iha produsaun prova arguidu konfesa parsialmente, mezmuz kazu tolu/haat maibé ofendida nafatin lembra no konfirma faktu iha prosesu ne'e katak arguidu halo tratamentu kruel hasoru ofendida, tanba ne'e husu ba tribunál kondena arguidu ho pena minimu hosi krime ne'e suspende ba periodu hanesan.

Entretantu defeza haktuir katak haree ba produsaun prova ne'ebe produs iha audensia julgamentu, husu ba tribunál atu aplika pena suspensaun minimu hosi krime ne'e ba arguidu.

Desizaun

Depoisde avalia faktu sira hotu, tribunál prova katak akuzasaun prokuradór provadu hotu, mezmú arguidu konfesa parsialmente maibé ofendida konfirma total akuzasaun iha audensia julgamentu. Provadú mos katak arguidu iha antesidente krimenais, Nú.Prosesu 0077/19.BCBCV kondena arguidu ho pena multa US\$90.00, Nú.Prosesu 0173/19.BCBCV kondena arguidu pena prizaun fulan 3 suspende ba tinan 1 fulan 6 no Nú.Prosesu 0038/22.BCBCV kondena arguidu pena efetiva tinan 1 iha prizaun. Bazeia ba faktu provadu sira ne'e no tetu mós ho sirkunstánsia agravante sira hanesan arguidu la'os foin primeiravés komete krime/arguidu iha antesidente krimenais no la hatudu ninia arrendementu, nune'e tribunál konklui prosesu ne'e no kondena arguidu ho pena efetiva tinan rua iha prizaun.

7. Krime ofensa ba integridade fízika simples ho natureza violénsia doméstika

Nú. Prosesu	: 0007/23. VQLLT
Kompozisaun Tribunál	: Singulár
Juisa	: Dra. Albertina da Conceição das Neves
Prokuradór	: Dr. Julio da Silva Correia
Defeza	: Dr. Sidónio Maria Sarmiento
Desizaun	: Pena prizaun fulan 4 suspende ba tinan 1

Iha 07 Novembru 2024, Tribunál Judisiál Primeira Instánsia Baukau prejide julgamentu leitura sentensa ba krime ofensa ba integridade fízika simples ho natureza VD ne'ebé envolve arguidu IMSB hasoru nia feen, iha Munisípiu Vikeke.

Akuzasaun Prokuradór

Prokuradór akuza katak iha 26 Feveiru 2023 iha oras tuku 10:50 ofendida ho nia tian Bendita lao hasoru, arguidu foti ai atu baku lezada mak tian Bendita satan netik tiha nune'e arguidu soe tiha ai refere, hafoin tuku dala rua iha ofendida nia matan parte karuk, tuku dala rua iha kanuruk sein motivu. Loron, fulan haluha maibé iha tinan 2020 arguidu basa iha ofendida nia hasan, buti kakorok, uza sumasu baku iha ofendida nia kotuk laran.

Prokuradór akuza arguidu komete konkursu rua kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa no konjuga ho artigu 2, 3, 35(b) no 36 LKVD.

Produsaun ba prova sira

Iha prosesu julgamentu, arguidu deklara katak faktu akontese iha 2020 ne'e loos hotu, motivu ofendida ba partisipa lia mate la informa ba arguidu no lao to'o loron ida, ne'e mak arguidu nervozu halo agresaun, depoisde akontese ne'e sira moris separa ona. Faktu akontese iha 26 Feveiru 2023 ne'e loos hotu, arguidu ho ofendida moris separa ona, arrende ninia hahalok, foin primeiraves mai hatan iha tribunál serbsiu nu'udar agrikultór rezultadu sustenta deit ba familia.

Alende ne'e, ofendida deklara katak akontese iha tinan 2020 mosu dikusaun kona-ba lao lia arguidu nervozu halo agresuun hanesan iha akuzasaun, akontese ida ne'e sira moris separa tiha. Akontese iha 26 Fevreiru 2023 ofendida ho nia tian Bendita lao, derepente hasoru arguidu uza ai atu baku ofendida mak tian Bendita satan netik tiha hafoin arguidu tuku dala rua ofendida nia matan parte karuk no tuku dala rua iha kanuruk.

Alegasaun final

Prokurador haktuir katak produsaun prova arguidu konfesa ofendida konfirma akuzasaun, arguidu provadu komete krime ne'ebe imputa ba nia, arguidu komete krime konkursu hasoru ofendida, mezmu sira sira moris separa maibe nafatin prevene arguidu nia konduta iha futuru atu labele akontese tan, husu ba tribunál atu kondena arguidu ho pena únika tinan ida suspende ba tinan ida

Entretantu, defeza haktuir katak produsaun prova arguidu konfesa, kolabora justisa hodi la difikulta tribunal atu hetan vetdade iha prosesu ne'e, arrepende nia hahalok no foin primeiravés mai hatan iha tribunal, tanba ne'e husu ba tribunál atu fo dezisaun ne'ebe kmaan ba arguidu

Desizaun

Depoizde avalia faktu hotu, tribunál prova faktu sira iha akuzasaun ne'e provadu hotu bazeia ba arguidu nia konfirmasaun ba akuzasaun. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa faktu sira, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun fulan haat suspende ba tinan ida.

8. Krime ofensa ba integridade física simples ho natureza violência doméstica

Nú. Prosesu	: 0247/23. BCBCV
Kompozisaun Tribunál	: Singulár
Juisa	: Dra. Albertina da Conceição das Neves
Prokurador	: Dr. Julio da Silva Correia
Defeza	: Dr. Sidónio Maria Sarmiento
Desizaun	: Pena multa US\$15.00

Iha 07 Novembru 2024, Tribunál Judisiál Primeira Instánsia Baukau prejide julgamentu leitura sentensa ba krime ofensa ba integridade física simples ho natureza VD ne'ebé envolve arguidu JX hasoru nia alin mane BdCX, iha Munisípiu Baukau.

Akuzasaun Prokurador

Prokurador akuza katak iha, 29 Novembru 2023 iha oras tuku 03:00 madrugada arguidu tuku dala ida iha ofendidu nia matan parte karuk no tebe dala ida iha nia isin parte karuk. Tanba lezadu nu'udar estudante maibe joga karta ne'e mak arguidu hirus.

Prokuradór akuza arguidu kontra artigu 145 KP kona-ba ofensa ba integridade fízika simples ho nia moldura penál to'ó tinan 3 ka multa no konjuga ho artigu 2, 3(b), 35(b) no 36 LKVD.

Produsaun ba prova sira

Iha prosesu julgamentu, arguidu deklara katak faktu iha akuzasaun ne'e loos hotu, arguidu nu'udar maun, arguidu mak haree ofendidu nia nesesidade eskola nian, arguidu haree ofendidu joga karta ne'e mak arguidu hirus. Di'ak malu ona, arrepende ninia hahalok, foin primeiravés baku ofendidu. nu'udar motorista vensimentu US\$150.00 kada fulan.

Prokurador bazeia ba artigu 268 KPP husu presinde lezada tanba arguidu konfesa integralmente ba faktu hotu iha akuzasaun, Defeza la iha opozisaun. Nune'e tribunál hasai despaisu hodi presinde lezada.

Alegasaun finál

Prokuradór haktuir katak, iha julgamentu arguidu konfesa faktu hotu ne'ebe imputa ba nia, ofendidu depedensia ekonomia ba arguidu mezmu sira di'ak malu ona maibé nafatin fó konedanasaun ba arguidu ho pena multa loron 30/loron arguidu selu 0.50. sentavus.

Entretantu, defeza haktuir katak haree ba produsaun prova iha audensia julgamentu arguidu konfesa totalmente ba faktu hotu iha akuzasaun, tanba ne'e husu ba tribunál fó pena justu ba arguidu.

Desizaun

Depoide avalia faktu hotu, tribunál prova katak faktu iha akuzasaun ne'e provadu hotu bazeia ba arguidu nia deklarasaun konfirma akuzasaun. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa faktu sira, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena multa US\$15.00 ne'ebé arguidu sei selu US\$0.50 kada loron durante loron 30. Tribunál mós fiksa pena alternativa durante loron 20 prizaun, bainhira arguidu la kumpri pena multa refere.

9. Krime ofensa ba integridade fízika simples ho natureza violénsia doméstika

Nú. Prosesu	: 0001/23. VQWTL
Kompozisaun Tribunál	: Singulár
Juisa	: Dra. Albertina da Conceição das Neves
Prokuradór	: Dr. Julio da Silva Correia
Defeza	: Dr. António Fernandes
Desizaun	: Prna multa US\$30.00

iha 14 Novembru 2024, Tribunál Judisiál Primeira Instánsia Baukau prejide julgamentu leitura sentensa ba krime ofensa ba integridade fízika simples ho natureza VD ne'ebé envolve arguidu MMSBL hasoru nia feen, iha Munisípiu Vikeke.

Akuzasaun Prokuradór

Prokuradór akuza katak iha, 05 Janeiru 2023 iha oras tuku 23:00 arguidu basa dala ida iha ofendida nia hasan parte loos, tebe dala rua iha lezada nia ain kabun nune'e ofendida monu kona tali kelen ne'ebe kroat. Antes mosu diskusaun kona-ba lezada manda mensajen ba mane seluk liu hosi whatsapp. Loron, fulan haluha maibé iha tinan 2020 arguidu basa dala ida iha ofendida nia matan laran.

Prokuradór akuza arguidu komete krime konkursu rua kontra artigu 145 KP kona-ba ofensa ba integridade física simples ho nia moldura penál to'o tinan 3 ka multa no konjuga ho artigu 2, 3, 35(b) no 36 LKVD.

Produsaun ba prova sira

Iha prosesu julgamentu, arguidu deklara faktu akontese 05 Janeiru 2023 ne'e loos, akresenta tan katak ofendida manda mensajen ba mane seluk liu hosi whatsapp ne'e mak arguidu hirus. Faktu akontese iha tinan 2020 ne'e loos hotu. Depoisde akontese ikus sira rezolve perante familia rua ho akordu sira moris separa ona to'o agora, arrepende ninia hahalok, foin primeiravés mai hatan iha tribunál serbisu nu'udar agrikultór rendimentu la fiksu.

Alende ne'e, ofendida deklara katak konfirma faktu sira iha akuzasaun, depoisde akontese iha 07 Janeiru 2023 sira rezolve perante familia rua arguidu ho ofendida diside moris separa, to'o agora ofendida ho oan feto ida ba hela ona iha Dili.

Alegasaun finál

Prokuradór haktuir katak haree produsaun prova iha audensia julgamentu arguidu nia aktu prinse krime ne'ebé imputa ba nia mak krime ofensa simples ho ninia natureza violénsia doméstika, arguidu nia aktu ne'e lezada diside moris separa ho arguidu. arguidu komete krime konkursu tuir akuzasaun, husu ba tribunál kondena arguidu ho pena uniku tinan ida suspende ba tinan ida.

Entretantu, defeza haktuir katak produsaun prova arguidu konfesa faktu hotu ne'ebe imputa ba nia, arrepende ninia hahalok no foin primeiravés mai hatan iha tribunál, arguidu serbisu nu'udar agrikultór la iha rendimentu fiksu, parte defeza husu fo pena justu ba arguidu.

Desizaun

Depoisde avalia faktu hotu, tribunál prova katak faktu sira iha akuzasaun ne'e provadu hotu tuir nia konfiksaun no ofendida nia konfirmasaun iha audesnia julgamentu. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa faktu sira, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu US\$1.00 kada loron durante loron 30. Tribunál mós fiksa pena alternativa durante loron 20 prizaun, bainhira arguidu la kumpri pena multa refere.

10. Krime maus-tratus ba kónjuje

Nú. Prosesu : 0007/23. VQSIC

Kompozisaun Tribunál : Koletivu

Juisa : Dra. Maria Solana da C. Fernades no Dra.

Sribuana Costa no Dra. Maria Modesta d. A. Viera
Prokuradór : Dr. Julio da Silva Correia
Defeza : Dr. Germano Guterres Ramos
Desizaun : Pena prizaun tinan 2 suspende ba tinan 2

Iha 19 Novembru 2024, Tribunál Judisiál Primeira Instánsia Baukau prejide Julgamentu leitura akordaun ba krime maus-tratus ba kónjuje ne'ebé envolve arguidu JXdR hasoru nia feen, iha Munisípiu Vikeke.

Akuzasaun Prokuradór

Prokuradór akuza katak, iha 08 Maiu 2020, arguidu tebe dala rua iha ofendida nia kotuk laran, sein motivu

Iha 01 Abril 2021 ,basa dala ida iha ofendida nia hasan. Antes mosu diskusaun kona-ba sira nia oan tanis.

Iha 05 Outubru 2022, arguidu tuku dala rua iha ofendida nia kotuk laran, sein motivu.

Iha 10 Maiu 2023 iha oras tuku 17:30 loraik arguidu tuku dala ida iha ofendida nia hirus matan no ofendida tanis arguidu ameasa dehan atu tesi kotu ofendida nia kakorok. Deposde ida ne'e arguidu hasai ofendida nia roupa sira hodi sunu tiha.

Prokuradór akuza arguidu kontra artigu 154 KP kona-ba maus-tratus ba konjuje ho moldura penál tinan 2 to'o tinan 6 konjuga ho artigu 2, 3(b), 35(a) no 36 LKVD. Artigu 258 KP kona-ba danu simples ho nia moldura penal tinan 3 ka multa no artigu 157 KP kona-ba ameasa ho nia moldura penal tinan 1 ka multa

Tentativa konsiliaun

Bazeia ba artigu 262 (1) KPP kona-ba tentativa ba konsiliaun, nune'e antes tama ba julgamentu podusaun ba prova, juis halo tentativa konsiliaun ba aguidu no ofendidu sira relasiona ho krime danu simples no ameasa tanba kazu sira ne'e klasifika nu'udar krime semi públiku no nia prosedimentu depende ba keixa. ofendida no arguidu konkorda atu konsilia, nune'e tribunál halo prosesu konsiliaun.

Iha prosesu konsiliaun ne'e, ofendida hakarak deziste tiha sira nia keixa hasoru arguidu no arguidu mós konkorda. Bazeia ba konkordánsia hosi parte rua, tribunál omologa tiha pedidu dezisténsia keixa ne'e. Entretantu ba krime maus tratus ba konjuje, tribunál kontinua hala'o prosesu julgamentu.

Produsaun ba prova sira

Iha prosesu julgamentu arguidu deklara katak faktu iha akuzasaun ne'e loos hotu, motivu hotu-hotu kona-ba labarik tanis, akontese ikus ofendida ba hato'o keisa iha Polisia to'o agora arguidu la baku ona ofendida, di'ak malu ona, arrepende ninia hahalok, foin primeiravés mai hatan iha tribunál nu'udar agrikultór rezultadu sustenta de'it ba familia.

Entretantu ofendida konfirma faktu hotu akuzasaun, depoisde akontese ofendida ba hela iha uma mahon no fila hosi uma sira di'ak malu kedas to'o arguidu agora la baku ona ofendida.

Alegasaun

Iha alegasaun prokuradór haktuir katak arguidu konfesa integral sein reserva, arguidu halo tratamentu kruel hasoru ofendida, nu'udar nia feen rasik tuir loloos arguidu mak proteze maibé kontarariu fali arguidu mak halo agresan wainhira iha problema. Tanba ne'e husu ba tribunál kondena arguidu ba pena prizaun tinan rua suspende ba tinan rua.

Entertantu, parte defeza haktuir kona-ba faktu arguidu konfesa sein rezerva, arrepende ninia hahalok no foin primeiravés mai hatan iha tribunál. Tanba ne'e husu ba tribunál fo pena justu ba arguidu.

Desizaun

Depoisde avalia faktu hotu, tribunál prova katak bazeia ba arguidu nia konfikasaun no ofendida nia konfirmasaun ba akuzasaun katak akuzasaun prokuradór prosedente provadu hotu. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa faktu sira, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan rua suspende ba tinan rua.

11. Krime maus-tratus ba kónjuje

Nú. Prosesu	: 0046/23. LASIC
Kompozisaun Tribunál	: Koletivu
Juisa	: Dra. Albertina da C. Neves no Dra. Sribuana da Costa, Dra. Maria Modesta de Almeida vieira
Prokuradór	: Dr. Bartolomeu de Araújo
Defeza	: Dr. António Fernandes
Desizaun	: Pena prizaun tinan 2 suspende ba tinan 2

Iha 20 Novembru 2024, Tribunál Judisiál Primeira Instánsia Baukau prejide Julgamentu leitura akordaun ba krime maus-tratus ba kónjuje ne'ebé envolve arguidu AM hasoru nia feen, iha Munisípiu Lautein.

Akuzasaun Prokuradór

Prokuradór akuza katak, iha tinan 2023 arguidu basa dala ida iha ofendida nia kanuruk, tuku dala ida iha kotuk laran, antes mosu diskusaun kona-ba ofendida prepara hahan/modo tarde.

Iha fulan Agostu 2023 arguidu basa dala ida iha ofendida nia oin laran, tuku dala ida iha kanuruk, basa dala ida iha tilun hun. Antes mosu diskusaun kona-ba sira nia oan kiik tanis.

Iha 14 Setembru 2023 arguidu uza nia liman fai dala rua iha ofendida nia inus, tuku dala ida iha reintos, tuku dala tolu iha kanuruk no tuku dala ida iha kotuk laran, ofendida tanis tama ba uma laran arguidu ba tuir foti tali kesi animal nia

hodi baku ba ofendida nia isin. Antes mosu diskusaun kona-ba ofendida halo modo ho naan meda maibé ofendida rezeita.

Prokuradór akuza arguidu kontra artigu 154 KP kona-ba maus-tratus ba konjuje ho moldura penál tinan 2 to'o tinan 6 konjuga ho artigu 2, 3(b), 35(a) no 36 LKVD.

Produsaun ba prova sira

Iha prosesu julgamentu arguidu deklarata katak faktu ho ninia motivasaun sira akuzasaun ne'e loos hotu, depoisde akontese ikus sira di'ak malu to'o agora no la baku ona ofendida, arrepende ninia hahalok, arguidu loke kioske faan lora ida hetan osan la to'o US\$20.00 no arguidu promete sei la baku ofendida iha futuru.

Entretantu ofendida konfirma faktu no motivasaun sira iha akuzasaun, depoisde akontese ikus ofendida hatoo tiha keisa to'o agora arguidu la baku ona ofendida, sira di'ak malu ona perante familia to'o agora sira moris hamutuk nafatin nu'udar feen ho la'en to'o agora.

Alegasaun finál

Prokuradór konsideira arguidu provadu komete krime maus tratus hasoru ofendida nu'udar nia feen bazeia ba arguidu no ofendida nia deklarasaun ne'ebe konfirma akuzasaun sein rezerva, tanba ne'e husu ba tribunál kondena arguidu ho pena prizaun tina rua suspende ba tinan rua.

Entretantu defeza husu ba tribunál atu fó pena ne'ebé justu ba arguidu tanba arguidu konfesa faktu hotu ne'ebe inputa ba nia, arepende ninia hahalo no sei la halo tan hahalok aat ne'e iha futuru.

Desizaun

Depoisde avalia faktu hotu, tribunál prova katak bazeia ba arguidu nia konfikasaun no ofendida nia konfirmasaun ba akuzasaun katak akuzasaun prokuradór prosedente provadu hotu. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa faktu sira, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan rua suspende ba tinan rua.

12. Krime ofensa ba integridade fízika simples ho natureza violénsia doméstika

Nú. Prosesu	: 0021/23. VQOSU
Kompozisaun Tribunál	: Singulár
Juís	: Dra. Maria Solana da C. Fernades
Prokuradór	: Dr. Julio da Silva Correia
Defeza	: Dr. Grigorio M. L. de Lima
Dezisaun	: Pena multa US\$75.00

Iha 21 Novembru 2024 Tribunál Judisiál Primeira Instansia Baukau Prejide julgamentu leitura sentensa ba kazu ofensa ba integridade fizika simples ho

natureza VD ne'ebe envolve arguidu MdCP hasoru nia feen, iha Munisípiu Vikeke.

Akuzasaun Prokuradór

Prokuradór akuza katak iha 04 Jullu 2023 iha oras tuku 10:00 dadeer arguidu basa dala ida iha ofendida nia hasan parte loos, arguidu kous ofendida riba ba rai no kona parede. Antes mosu diskusaun kona-ba arguidu hadau ofendida nia telemovel.

Prokuradór akuza arguidu kontra artigu 145 KP kona ba ofensas integridade ba fizika simples ho nia moldura penal tinan 3 ka multa konjuga ho artigu 2,3, 35(b) no 36 LKVD.

Produsaun ba prova sira

Iha prosesu julgamentu arguidu deklarata katak faktu iha akuzasaun ne'e loos hotu motivu hadau ofendida nia telemovel ne'e loos tanba arguidu deskonfia ofendida ba mane seluk, di'ak malu ona, arrepende ninia hahalok, forma familia dzezde tinan 2019 iha oan nain rua foin primeiramés mai hatan iha tribunál ba futuru sei la baku ona ofendida.

Alende ne'e ofendida mos konfirma akuzasaun no deklarata tan katak akontese ofendida ba hela tiha ho nia inan no aman sira nia uma liu fulan ida arguidu ba tuir mak sira di'ak malu no arguidu foin primeiravés halo agresaun hasoru ofendida.

Alegasaun finál

Prokuradór haktuir katak, akuzasaun prokuradór prosedente provadu bezea ba arguidu ho ofendida nia nia deklarasaun ne'ebe konfirma totalmente ba akuzasaun, mezmu sira di'ak malu ona maibé nafatin prevene arguidu nia konduta iha futuru, husu ba tribunál kondena arguidu ho pena prizaun tinan ida suspende ba tinan ida.

Entretantu defeza haktuir katak arguidu konfesa faktu hotu iha akuzasaun, arepende ninia hahalok, la iha antesidente kriminal, tanba ne'e husu ba tribunál fó pena maiz adekua ba arguidu.

Desizaun

Depoizde avalia faktu hotu, tribunál prova katak faktu iha akuzasaun ne'e provadu bazeia ba arguidu nia deklarasaun ne'ebe konfirma totalmente ba akuzasaun. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa faktu sira, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena multa US\$75.00 ne'ebé arguidu sei selu US\$1.00 kada loraun durante loraun 75. Tribunál mós fiksa pena alternativa durante loraun 50 prizaun, bainhira arguidu la kumpri pena multa refere.

13. Krime ofensa ba integridade fízika simples ho natureza violénsia doméstika

Nú.Prosesu : 0168/23. BCBCV
Kompozisaun Tribunál : Singulár

Juísa : Dra. Maria Solana da Conceição Freitas
Prokuradór : Dr. Bartolomeu de Araújo
Defeza : Dr. Sidónio Maria Sarmiento
Dezisaun : Pena multa US\$60.00

Iha 26 Novembru 2024 Tribunál Judisiál Primeira Instansia Baukau Prejide julgamentu leitura sentensa ba kazu ofensa ba integridade fizika simples ho natureza VD ne'ebe envolve arguidu JFM hasoru nia feen, iha Munisípiu Baukau.

Akuzasaun Prokuradór

Prokuradór akuza katak iha 08 Agostu 2023 iha ora stuku 17:30 loraik arguidu ho kondisaun lanu tuku dala tolu iha ofendida nia kanuruk, nune'e ofendida kontaktu xefe aldeia nune'e xefe aldeia kontaktu Oficial Polisiamentu Suku (OPS).

Prokuradór akuza arguidu kontra artigu 145 KP kona ba ofensas integridade ba fizika simples ho nia moldura penal tinan 3 ka multa konjuga ho artigu 2,3, 35(b) no 36 LKVD.

Produsaun ba prova sira

Iha prosesu julgamentu arguidu deklara katak faktu iha akuzasaun ne'e loos hotu motivu diksute malu kona-ba baku haree, depoisde akontese di'ak malu ona, arrepende ninia hahalok, forma familia dzezde tinan 1991 iha oan nain sanulu foin primeiravés halo agresaun hasoru ofendida ba futuro sei la baku ona ofendida no arguidu serbisu nu'udar siguransa vensimentu/fulan US\$150.00.

Alende ne'e ofendida mós konfirma akuzasaun no deklara tan katak akontese ofendida ba hela tiha iha uma mahon durante loron rua mak ofendida fila ba uma, arguidu nafatin simu ofendida nu'udar nia feen kaben igreja, di'ak malu ona no arguidu foin primeiravés halo agresaun hasoru ofendida.

Alegasaun finál

Prokuradór haktuir katak, akuzasaun prokuradór prosedente provadu bezia ba arguidu ho ofendida nia nia deklarsaun ne'ebe konfirma totalmente ba akuzasaun, mezmu sira di'ak malu ona maibé nafatin prevene arguidu nia konduta iha futuro atu arguidu labele toma uza violensia hodi rezolve problema ibun iha atu koalia ba malu, tanba ne'e husu ba tribunál kondena arguidu ho pena multa US\$25.00.

Entretantu defeza haktuir katak arguidu konfesa faktu hotu iha akuzasaun, di'ak malu ona, arepende ninia hahalok, la iha antesidente kriminal, tanba ne'e husu ba tribunál fo pena maiz kmaan ba arguidu.

Desizaun

Depoisde avalia faktu hotu, tribunál prova katak faktu hotu iha akuzasaun ne'e provadu hotu bazeia ba arguidu nia konfiksaun ne'ebe konfirma totalmente ba akuzasaun. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa faktu sira, arrepende ninia hahalok

no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena multa US\$60.00 ne'ebé arguidu sei selu US\$1.00 kada loron durante loron 60. Tribunál mós fiksa pena alternativa durante loron 40 prizaun, bainhira arguidu la kumpri pena multa refere.

14. Krime maus-tratus ba kónjuje

Nú. Prosesu : 0028/24. BCBCV
Kompozisaun Tribunál : Koletivu
Juiza : Dra. Maria Modesta d. A. Viera no Dra. Albertina da Conceição das Neves, Dra. Maria Solana da C. Fernades,
Prokuradór : Dr. Bartolomeo de Araújo
Defeza : Dr. Sidónio Maria Sarmiento
Desizaun : Pena prizaun tinan 3 suspende ba tinan 3

Iha 26 Novembru 2024, Tribunál Judisiál Primeira Instánsia Baukau prejide julgamentu leitura akordaun ba krime maus-tratus ba kónjuje ne'ebé envolve arguidu HdCX hasoru nia feen, iha Munisípiu Baukau.

Akuzasaun Prokuradór

Prokuradór akuza katak, 10 Fevereiru 2024 iha oras tuku 22:00 kalan ofendida ho nia oan fila hosi Dili, bainhira to'o iha uma arguidu hirus hodi dehan agora kedas ó atu mate ona, iha ne'e ofendida rona arguidu haruka ema ida ba kios sosa tali, ofendida sente tauk hodi halai tama ba kuartu laran no tranka kedas odamatan kuartu nia. La kleur arguidu mai dudu odamatan atu loke no hakilar ho liafuan dehan di'ak liu ó loke odamatan, lae agora kedas hau tara sae ó iha ne'e. Arguidu komesa selok odamatan no loke, arguidu tama ba kuartu laran buti ofendida nia kakorok rezulta moras no dadais araska to'o kabeen sira suli sai mai iha liur. Arguidu lori besi kanu atu baku ofendida maibe la konsege tanba ofendida hadau tiha hosi arguidu no ofendida uza forsa dudu arguidu mai tiha liur. Arguidu hasai liafuan dehan agora kedas hau tara as tiha ó para mate kedas, depois arguidu halai tiha ba kuartu laran ho tali sumenti nia hodi tara ofendida, iha ne'e ofendida hadau tha tali refere mak ofendda deha ó tara as tiha hau para hola fali ó nia feen sigundu arguidu hatan ó mate tiha para hau hola fali nia, ofendida hadau tali no lori halai sai tiha, arguidu halai tuir sai ba liur hodi dehan ba ofendida katak agora ó mate, ó la moris ona ofendida sente tauk ona la kleur polisia to'o lori sira nain rua ba hotu eskuadra PNTL Baukau vila.

Loron no fulan haluha maibé iha tinan 2018 iha oras tuku 10:00 dader arguidu uza ai baku dala ida ha lofendida nia liman fuan parte loos moras no bubu.

Nafatin iha 2018, liu fulan tolu hanesan ne'e arguidu tebe dala rua iha ofendida nia kotuk laran

Prokuradór akuza arguidu kontra artigu 154 KP kona-ba maus-tratus ba konjuje ho moldura penál tinan 2 to'o tinan 6, artigu 52 Nu.1 no 2 (1) konjuga ho artigu 2, 3(b), 35(b) no 36 LKVD.

Produsaun provas

Iha prosesu julgamentu arguidu deklara katak faktu iha akuzasaun ne'e loos hotu, problema sempre mosu tanba arguidu iha feen rua, akontese ikus sira di'ak malu ona, arguidu la baku ona ofendida, di'ak malu ona, arrepende ninia hahalok, foin primeiravés mai hatan iha tribunál nu'udar agrikultór rezultadu sustenta de'it ba família.

Entretantu ofendida konfirma faktu hotu akuzasaun, depoisde akontese ikus ofendida ba taratmentu iha Pradet Baukau, akontese antes ofendida la ba halo tratamentu no la hato'o keisa. Depoisde akontese ikus arguidu la baku ona ofendida to'o agora.

Alegasaun finál

Iha alegasaun prokuradór haktuir katak arguidu konfesa faktu integral sein reserva, arguidu halo tratamentu kruel hasoru ofendida nu'udar nia feen tuir loloos arguidu mak proteze maibé kontarariu fali, arguidu mak halo agresaun hasoru ofendida nu'udar nia feen rasik. Tanba ne'e husu ba tribunál kondena arguidu ho pena prizaun tinan tolu suspende ba tinan tolu.

Entertantu, parte defeza haktuir katak, faktu arguidu konfesa sein rezerva, arrepende ninia hahalok no foin primeiravés mai hatan iha tribunál. Tanba ne'e husu ba tribunál fo pena minimu hosi krime ne'e suspende ba periodu hanesan.

Desizaun

Depoisde avalia faktu hotu, tribunál prova katak faktu sira iha akuzasaun ne'e provadu hotu bazeia ba arguidu nia konfiksaun no ofendida nia konfirmasaun ba akuzasaun. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa faktu sira, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

15. Krime maus-tratus ba kónjuje

Nú. Prosesu	: 0013/20. LALRO
Kompozisaun Tribunál	: Koletivu
Juisa	: Dra. Sribuana da Costa, Dra. Albertina da C. Neves no Dra. Maria Modesta de Almeida vieira
Prokuradór	: Dr. Batolomeu de Araújo
Defeza	: Dr. Sidónio Maria Sarmiento
Desizaun	: Pena prizaun tinan 2 suspende ba tinan 2

Iha 27 Novembru 2024, Tribunál Judisiál Primeira Instánsia Baukau prejide julgamentu leitura akordaun ba krime maus-tratus ba kónjuje ne'ebé envolve AP hasoru nia feen, iha Munisípiu Lautein.

Akuzasaun Prokuradór

Prokuradór akuza katak, iha fulan Agostu 2020 arguidu halo agresaun dala rua maibe la keisa rezolve de'it iha autoridade lokal.

Iha 13 Outubru 2020, iha oras tuku 11:00 arguidu lori masa jerigen 5 litru fai iha ofendida nia kotuk laran halo moras, ofendida tauk no trauma lao ses tiha hosi

uma arguiud foti fatuk tuda dala rua maibé la kona, ofendida halai ba subar tiha iha du'ut laran iha oras tuku 18:00 kalan fila mai uma tanba oan ki'ik. Loron tuir mai ofendida ba hato'o keisa iha eskuadra Polisia no ofendida kontinua ba hela iha Uma Mahon Lospalos.

Prokuradór akuza arguidu kontra artigu 154 KP kona-ba maus-tratus ba kónjuje ho moldura penál tinan 2 to'o tinan 6 konjuga ho artigu 2, 3(b), 35(a) no 36 LKVD.

Produsaun ba prova sira

Iha prosesu julgamentu arguidu deklar katak iha Agostu 2020, arguidu fila hosi halo nia ama nia rate, ofendida mak uza ai-dona baku arguidu la'os arguidu mak baku ofendida.

Faktu akontese iha 13 Outubru 2020 ne'e loos tanba loron antes arguidu ba halo nia ama kiik nia uma to'o kalan no toba de'it iha ama kiik nia uma fila mak ofendida koalia barak arguidu hirus uza jerigen 5 litru nia baku ofendida nia kotuk laran, sidauk di'ak malu, arrepende ninia hahalok no foin primeiravés mai hatan iha tribunál.

Entretantu ofendida deklar katak faktu ne'e akontese kleur ofendida haluha ona balun, haluha loron no fulan maibé iha tinan 2020 arguiudu halo agresau sira rezolve tiha perante autoridade lokal.

Akontese sigundu, iha fulan Outubru 2020 ofendida oan nurak arguidu lao kala la toba iha uma no mosu fali dadeer ne'e mak ofendida hirus fai ai ba nia, hafoin arguidu uza jerigen 5 litru fai ba ofendida nia kotuk.

Alegasaun finál

Prokuradór konsideira arguidu provadu komete krime maus-tratus hasoru ofendida bazeia ba ofendida nia deklarasaun ne'ebe konfirma faktu sira iha akuzasaun, arguidu nia konduta ofendida fila ona ba nia inan ho aman iha Uatulari Munisípiu Víkeke, tanba ne'e husu ba tribunál kondena arguidu ho pena prizaun tina rua suspende ba tinan rua.

Entretantu defeza husu ba tribunál atu fo pena ne'ebe kmaan ba arguidu tanba arguidu konfesa faktu ne'ebe konstitui ba krime, arepende ninia hahalok, foin primeiravés mai hatan iha tribunál.

Desizaun

Depoisde avalia faktu hotu, tribunál prova katak faktu sira iha akuzasaun ne'e provadu hotu bazeia ba ofendida nia konfirmasaun ba akuzasaun. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa faktu sira, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan rua suspende ba tinan rua.

Atu hetan informasaun kompleitu, favór kontaktu:

Casimiro dos Santos

Diretór Interinu Ezekutivu JSMP
Diresaun e-mail:casimiro@jsmp.tl
Telefone: (+670) 33238883 | 77257466
Website: <https://jsmp.tl>
info@jsmp.tl